



REPUBLIKA E SHQIPËRISË
AUTORITETI I KOMUNIKIMEVE ELEKTRONIKE DHE POSTARE
-Këshilli Drejtues-

V E N D I M

Nr. 2403, datë 26.12.2013

Për

**“Miratimin e Ofertës Referencë të Interkoneksionit, të përditësuar, të sipërmarrësit
Albtelecom Sh.a.”**

Këshilli Drejtues (KD) i Autoritetit të Komunikimeve Elektronike dhe Postare (AKEP), i përbërë nga:

1. Z. Piro	Xhixho	Kryetar
2. Z. Alban	Karapici	Anëtar
3. Znj. Alketa	Mukavelati	Antare
4. Z. Benon	Paloka	Anëtar
5. Znj. Zamira	Nurçe	Anëtare

dhe sekretare Znj.Iris Xhanaj, në mbledhjen e datës 26.12.2013, sipas procedurës së përcaktuar në ligjin nr. 9918 datë 19.05.2008 “Për Komunikimet Elektronike në Republikën e Shqipërisë”, ligjin nr. 8480, datë 27.05.1999 “Për funksionimin e organeve kolegjiale të administratës shtetërore dhe enteve publike”, shqyrtoi çështjen me objekt:

“Miratimin e Ofertës Referencë të Interkoneksionit, të përditësuar, të sipërmarrësit
Albtelecom Sh.a.”

BAZA LIGJORE:

1. Pika c) e neni 8, pika 3 e nenit 31 e vijues, pika 1,2,3 e nenit 52, pika 1 e nenit 114 dhe pika 1 e nenit 115 e ligjit nr. 9918, datë 19. 05. 2008 “Për Komunikimet Elektronike në Republikën e Shqipërisë”, i ndryshuar. **(ligji nr. 9918)**;
2. Rregullore nr. 19 datë 14.06.2010 për “Aksesin dhe Interkoneksionin” miratuar me VKD Nr. 1300, datë 14.06.2010, e ndryshuar. **(Rregullorja)**;
3. Vendim Nr. 2325, datë 28.06.2013 për “*Mosmiratimin e Propozimit të Albtelecom Sh.a për amendimin e Ofertë Referencë të Interkoneksionit, të dërguar me shkresën nr.1759 Prot., datë 10.04.2013*”
4. Vendimi Nr. 2337, datë 30.07.2013 për “*Përcaktimin e sipërmarrësit Albtelekom Sh.a. me Fuqi të Ndjeshme në Treg dhe vendosjen e masave rregulluese*”

5. Vendimi Nr. 2357, datë 27.09.2013 për: “Shqyrtimin e ankimit administrativ të Albtelecom sh.a. për modifikimin e aktit administrativ: Vendim nr. 2337, datë 30.7.2013, “Për përcaktimin e sipërmarrësit Albtelecom sh.a me Fuqi të Ndjeshme në treg dhe vendosjen e masave rregulluese në lidhje me statusin FNT në tregjet e pakicës si dhe në tregun e akses/originimit dhe tranzitimit të thirrjeve kombëtare””.

K Ë SHILLI DREJTUES:

Nga shqyrtimi i materialit shkresor, të përbërë nga:

1. Relacion shpjegues mbi projektvendimin (**Relacioni**);
2. Projektvendim i KD të AKEP për “Miratimin e Ofertës Referencë të Interkoneksionit, të përditësuar, të sipërmarrësit Albtelecom Sh.a.” (**Projektvendimi**);
3. Shkresën e Albtelecom Sh.a nr. 2316 Prot. datë 15.11.2013, (nr. 1913 Prot. datë 19.11.2013 i AKEP) “ *Dërgohet Oferta Referenë e Interkoneksionit, e përditësuar, e Albtelecom “,*

si dhe diskutimeve në mbledhje mbi çështjen, bazën ligjore të sipërcituar,

V Ë R E N:

1. Albtelecom sh.a me shkresën nr. 2316 Prot. datë 15.11.2013, (nr. 1913 Prot. datë 19.11.2013 i AKEP), ka depozituar në AKEP Ofertën Referencë të Interkoneksionit (RIO), të përditësuar, në vijim të Vendimit të AKEP Nr. 2337, datë 30.07.2013 për “Përcaktimin e sipërmarrësit Albtelekom Sh.a. me Fuqi të Ndjeshme në Treg dhe vendosjen e masave rregulluese”.
2. Gjatë procesit të kontrollit të ofertës referencë të interkoneksionit të Albtelecom, sipas pikës 3 të nenit 52 të ligjit nr. 9918, AKEP ka vënë re se oferta referencë e Albtelecom:
 - a. ka përfshirë tarifat e terminimit, tranzitimit dhe origjinimit sipas vlerave dhe afateve të përcaktuara nga AKEP nëpërmjet Vendimit Nr. 2337, datë 30.07.2013 për “Përcaktimin e sipërmarrësit Albtelekom Sh.a. me Fuqi të Ndjeshme në Treg dhe vendosjen e masave rregulluese”;
 - b. ka bërë përfshirjen e zonave lokale të interkoneksionit në 12 zonat aktuale rajonale të interkoneksionit duke përditësuar edhe numeracionin sipas ndryshimeve të kryera në 2013;
 - c. Në Aneks 2. Pika 2.2, dhe paragraph për Pikat e interkoneksionit Rajonale ka përjashtuar mundësinë e dërgimit të thirrjeve në këto pika interkoneksioni për terminim, tranzitim në zona të tjera rajonale apo drejt operatorëve të tjerë të interkonktuar me Albtelecom. Ky përjashtim bie në kundërshtim me përcaktimet e Analizës së tregut të telefonisë fikse të miratuar me VKD nr.2336, datë 30.07.2013.
 - d. Nuk ka përfshirë Aneks 16 “Mundësitë për Bashkëvendosje”, duke hequr mundësinë orjentimit të adresave të centraleve gateëay të Interkoneksionit me

Albtelecom. Mospërfshirja rezulton gabim material/tekstual, pasi ky Aneks përmendet në pjesë të tjera RIO, dhe duhet të përfshihet Aneksi 16 me 12 pikat rajonale dhe 2 pikat kombëtare të interkoneksionit të Albtelecom të referuara në Aneks 15.

- e. Në Aneks 17 “Rajonet e Interkoneksionit dhe Numeracioni Albtelecom”, për Rajonin 6, Bashkia Tiranë, ka paraqitur Rajonet e Interkoneksionit dhe Numeracioni Albtelecom, por nuk ka përfshirë SN. Edhe ky është një gabim material/tekstual dhe qeliza përkthëse e tabelës duhet të plotësohet me vlerën përkthëse: 300.000
3. Për sa më sipër, AKEP gjykon që RIO e përditësuar e Albtelecom të miratohet duke imponuar ndryshimet e mëposhtëme:

1. Në lidhje me mangësitë në Aneks 2, të cituara në pikën 2/c më sipër:

Pika 2.2.: Paragrafi i propozuar nga Albtelecom:

Pikë interkoneksioni rajonale që ndodhet (apo lidhet me) në central gateway të aksesit për zonat rajonale të interkoneksionit të Albtelecom dhe shërben për interkoneksion me rrjetin Albtelecom për terminimin e thirrjeve të origjinuara nga pajtimtarët e operatorëve të rrjeteve publike të telefonise të autorizuar në Republikën e Shqipërisë, drejt përdoruesve të rrjetit Albtelecom të rajonit perkatës të numeracionit

të zëvendësohet me

Pikë interkoneksioni rajonale që ndodhet (apo lidhet me) në central gateway të aksesit për zonat rajonale të interkoneksionit të Albtelecom dhe shërben për interkoneksion me rrjetin Albtelecom për terminimin e thirrjeve të origjinuara nga pajtimtarët e operatorëve të rrjeteve publike të telefonise të autorizuar në Republikën e Shqipërisë, drejt përdoruesve të rrjetit Albtelecom të rajonit perkatës të numeracionit dhe drejt të gjithë përdoruesve të rrjetit Albtelecom dhe për tranzitimin e thirrjeve drejt operatorëve të tjerë të rrjeteve publike të telefonisë të autorizuar në Republikën e Shqipërisë, të interkonektuar me Albtelecom.

Paragrafi I propozuar nga Albtelecom:

Albtelecom ofron shërbimet e interkoneksionit për terminim dhe tranzitimin e thirrjeve kombëtare në të gjithë rrjetin Albtelecom në Pikën e Interkoneksionit kombëtare nëpërmjet centraleve gateëay të aksesit në zonën kombëtare të interkoneksionit Tiranë dhe/ose Durrës. Operatorët mund të zgjedhin të interkonektojnë rrjetin e tyre në këto Pika Kombëtare Interkoneksioni ose të marrin prej Albtelecom shërbimin e bartjes së thirrjeve nga Pika e Interkoneksionit me Operatorin Përfitues drejt centraleve gateëay të aksesit Durrës dhe/ose Tiranë sipas përcaktimeve në Aneks 2 “Përshkrimi i Shërbimeve” dhe Aneks 3 “Tarifat e Shërbimeve”.

Të zëvendësohet me:

Albtelecom ofron shërbimet e interkoneksionit për terminim dhe tranzitimin e thirrjeve kombëtarë në të gjithë rrjetin Albtelecom në Pikën e Interkoneksionit kombëtare nëpërmjet centraleve gateëay të aksesit në zonën kombëtare të

interkoneksionit Tiranë dhe/ose Durrës dhe në secilën prej pikave rajele të interkoneksionit.

2. Në lidhje me mangësitë e cituara në pikën 2/d, të përfshihet në RIO Aneksi 16 me 12 pikat rajonale dhe 2 pikat kombëtare të interkoneksionit të Albtelecom të referuara në Aneks 15.
3. Në lidhje me mangësitë e cituara në pikën 2/e, në Aneks 17 “Rajonet e Interkoneksionit dhe Numeracioni Albtelecom”, për Rajonin 6, Bashkia Tiranë, qeliza përkthëse e tabelës duhet të plotësohet me vlerën përkthëse: 300.000.

P Ë R K Ë T O A R S Y E :

Duke marrë në konsideratë rëndësine e miratimit të këtij dokumenti për konkurrencën në treg, sipërmarrësin dhe realizimin e objektivave rregullatore, bazuar në pikën 1 të nenit 114, dhe pikën 1 të nenit 115 të ligjit nr. 9918, si dhe pika 17, neni 21 të Rregullores së Brendëshme të AKEP, e ndryshuar,

V E N D O S :

1. Të miratojë Ofertën Referencë të Interkoneksionit të Albtelecom sh.a, sipas dokumentit bashkëngjitur këtij vendimi në Aneks nr.1.
2. Albtelecom sh.a. të publikojë në faqen e tij të Internetit ofertën referencë të interkoneksionit të miratuar me këtë vendim, brenda një jave nga data e hyrjes në fuqi të këtij vendimi.
3. Ky vendim të publikohet në faqen e internetit www.akep.al
4. Albtelecom sh.a dhe palët e interesuara kanë të drejtë të bëjnë ankim administrativ, për këtë vendim dhe ofertën referencë të interkoneksionit, brenda 30 ditëve nga marrja e këtij vendimi.

Ky vendim hyn në fuqi në datën e miratimit të tij.

K R Y E T A R

Piro XHIXHO

ANËTARET E KËSHILLIT DREJTUES:

1. Alban KARAPICI
2. Alketa MUKAVELATI
3. Benon PALOKA
4. Zamira NURCE